

豐城縣志

豐城縣志卷之十六

人物志六

文苑目錄

宋

周 諤孫承弼 孫 褒從子奇 孫 羲伯 袁 陟

揭伯徽 熊 方 揭飛雄 黃 竝

甘同叔 徐 璿族弟倫 劉 履 王 休

陳斗月 黃千能 徐端方 甘茂榮

陳杰 熊彬 孫素 徐可久

元

豐城縣志

卷之十六

文苑目錄

一

熊 炎 揭傒斯父來成子汝孫雲

洪淵 熊自得 李克家 熊師賢

熊坦

明

陳 會 徐 益 曹 壽 徐懋昭

孫曰恭 丁 儼 熊 茂 徐州牧

李 奩 楊惟休 胡學浹 王來善

國朝

傅銓彦子沛仁 李予瑋 甘汝亨 黃炳召

陸履敬 馬士驥 胡之牲 熊字鶴

夏日至 陸紹贊 萬儼 徐啟統

鄢大年 金玉 丁奭 楊州鶴

熊履廷時族 陳布琅 丁正模 徐文弼

匡晉定 蔣兆元 孫象賢 盧熙載

萬錦 葛蘧 陸希濂 陸斐章

熊岐 徐士毅 呂光煥 文炳漢

龔文亮 袁成均

補遺

元

揭祐民

豐城縣志

卷之十六

文苑月錄

二

國朝

張泰來 蘇光譜 楊如龍 何倬

黃希灝 羅惠 李灝 袁學容

金仕誥 傅啟沃 雷乃發

豐城縣志卷之十六

人物志六

文苑

宋

周諤字元輔苦口里人太平興國間五舉於鄉四居首以文學入韓忠憲幕忠憲子絳爲宣撫薦至京召對賜學究出身諤文章峻峭似柳柳州作邑敕書樓記東坡讀之爲稱歎不置孫承弼紹興進士授左迪功郎作尉十八年號冲和居士

孫褒字子稷號楚堂發從子曰誦萬言年十二賦詩云雪

豐城縣志

卷之十六

文苑

一

消溪上玉梅寒洗出江南萬疊山曉露未晞幽夢斷一聲知道是春遠謝無逸大賞之後登進士丞相李綱辟叅江州軍軍未行卒從子奇字師穎號玉隱宣和初貢上庠有詩名著作甚多自言愛書如羊鼻公之嗜醋芹孫羲伯字伯隆同造人通歷學每謂治歷當備三法曰象曰器曰數象垂於天法在玉衡器備於人法在璿璣象與器協而後有數數之法莫要於六歷作六歷論又作大歷賦謂知歷者不可以不知星知星者不可以不知歷自賈逵張衡王潘陸續皆以北極紐星爲樞是不動處祖晰以儀準候極知不動處在紐星之末猶一度有

餘本朝沈存中重加測候又知天極不動處遠樞星猶三度有餘又司馬遷立晷儀爲距方舉終以定追宿之說其法可重作太極圖清臺考類又作渾蓋同歸圖其他著述尤盛

袁陟字世弼抗之子少有才名與王介甫蘇子瞻曾子固善未冠登慶厯進士知當塗縣時介甫居金陵嘗手寫陟詩一軸貽其友卒以巧苦瘠不起自爲墓誌輓章有詩文十卷號遯翁集

揭伯徽名樞以字行東坑人元祐領解試嘗上東坡詩百韻又絕句一百首譏評時俗悉有深意歐陽公見所著

豐城縣志

卷之十六

文苑

二

贈以詩著喝藥說二千言

熊方字廣居貝上庠叅澧州軍事善書高宗內禪大書堯舜二字表進有旨付秘閣除本路帥幕好養生術註道德經二卷著有象山諸集嘗補東漢年表因名其堂曰補史

揭飛雄字少穎有學行登淳熙進士未及唱名卒雄爲人外若不勝衣而操守內貞不爲不義屈亦不以一毫不義取予屬文典麗詩閒雅平淡有菴山集

黃竑字持國彥輔曾孫第進士官廣西提幹爲文筆力奔放嘗作賦以莊周馬遷自況有畱皮集三山林仲山岳

序云黃君十八爲郡縣秀民二十四爲朝廷顯士三十後以憂病居山林兼忘身世矣

甘同叔字叔異賢能坊人力學精思工賦咏第進士叅桂州民曹州將奇之每有遣設必使視草攝荔浦令卒於官淳熙間與鄧元齊名鄧之天才甘之學力皆不可及相繼落南以卒白石黃景說詩云豈意豐城雙寶劍宜來埋沒瘴煙中又與劉月屋盛溫如于竹國稱豐城四傑所著有節軒集

徐璿字深甫覺溪里人九歲卽善詩教授何蘊奇之授以經學象山先生亦稱爲異稟有覺溪集從吏部吳曾受

歷學盡得其傳著起算法及考異以布衣終李劉銘其墓族弟倫字彝仲慶元進士文詞克肆詩奄有唐宋名家風格爲袁州推官郡守才之幙謀牋筆皆屬焉右史張嗣古尤亟稱賞父喪哀毀卒著詩稿數卷

劉履字正卿城陂人學該貫爲文不蹈畦逕長於講說剖析精當處鄉校職二十年卒子壻徐鹿卿銘其墓

王休字致美城頭里人嘉定鄉薦第一下筆千言一日盡焚去取睂山集讀累月爲文沛然似之作心要十篇貴王而賤霸表忠而墜佞著誠而惡僞以晏子踊貴屨賤之言爲藥石以相如子虛大人之賦爲酒色謂淵明不

夷不惠爲避世之尤謂仲舒劉蕡之策或緩或激皆愛君之實識者韙之

陳斗月字性之干陂人紹定鄉薦與徐鹿卿李登李龍庚袁漸等十有八人爲青雲文社當時以清才稱之子霖字憲甫咸淳進士興國州州判

黃千能字必強黃臺人刻意讀書嘗謂皇極九疇之統漢儒舉以參五事配六極則失之妄作皇極要論又謂古今地理無一定之形神禹疏河故道蕪沒難考作禹貢圖說雜著尤多

徐端方省志作徐端字矩叔吳塘人弱冠以文章見知徐鹿卿

豐城縣志

卷之十六

文苑

四

舉胄監徐經孫引爲賓客晚年號絜矩病叟自爲墓誌刻石一日手書忠孝大致數百言命酒集家人講授明日冠帶索紙書曰若以爲了多少未了以爲未了何時而了題曰了了道人擲筆而逝

甘茂榮字榮可九里人少從李登受學同族兄璞俱擅文名紹定戊子師生兄弟同鄉薦久之茂榮成進士調常德戶曹轉江西兵馬鈐轄司幹官戊午爲吉州發解官於黜落卷中得劉辰翁文欲置第一典文項汝明執不可榮詬之項不勝忿劾奏以顯斥丞相丁大全削籍謫九江江萬里爲言於朝改京學教沿江制司廣東經畧

幹官以文學自任有節操

陳杰字燾父干陂人淳祐進士授贛州簿累官工部郎中
江西憲使叅謀轉朝散大夫召赴行在未行宋亡隱居
東湖工於詩著有白堂存稿

熊彬字彬卿號墨莊南岡人力學有師道數邑後進皆從
之遊月有會課評覈精當行之五十年門下士多所成
就

孫素字少初咸淳末試進士不第清江皮潛刻其詩文以
傳吳草蘆序之

徐可久字心易曲江人十歲通經大義及長旁涉諸史籍

豐城縣志

卷之十六

文苑

五

雷宜中徐經孫皆奇其才辟爲當塗令歸老卒揭文安
立石識其實

元

熊炎字時中瓘山人由上舍登咸淳解試授靖安教諭累
官廣東儒學副提舉同知英德州嘗摭傳記所載忠孝
節義廉循吏爲六傳調京道病卒揭傒斯爲作哀詞吳
澄銘墓

揭傒斯字曼碩揭源人父來成宋鄉貢進士德行學問師
表一方元仁宗朝賜諡貞文先生傒斯幼貧惟父是師
讀書尤刻勵貫通百氏早有文名成崇大德間稍出游

湘漢程鉅夫爲湖南憲長器之妻以從妹仁宗延祐初薦授國史院編修官時平章李孟監修國史讀所撰功臣傳歎曰是方可名史筆他人直膳吏牘爾轉應奉翰林文字仍兼編修遷國子助教復畱爲應奉前後三入翰林臺閣典章靡不諳練天厯初開奎章閣首擢授經郎教勳戚大臣子弟文宗時幸閣中多所咨訪中書每奏用儒臣必問曰其才何如揭曼碩一日出僖斯所上太平政要集示臺臣曰此朕授經郎揭曼碩所進也預修經世大典文宗取其所撰秋官憲典閱之曰此豈非唐律平特授藝文監臣叅檢校書籍事順帝元統初累

三史克總裁官丞相謂修史以何爲本曰用人爲本有學問文章而不知史事者不可與有學問文章知史事而心術不正者尤不可與嘗與僚屬言欲求作史之法須求作史之意古人作史雖小善必錄小惡必記不然何以示懲勸在史館毅然以筆削自任凡政事得失人材賢否一律以是非之公至物論之不齊必反覆辨論求歸至當而後止踰年遼史成有旨獎諭仍督早成宋金二史僖斯畱宿館中朝夕不敢休因得寒疾七日卒制贈護軍追封豫章郡公諡文安僖斯少處窮約事親菽水粗具必得其歡心暨有祿入衣食稍踰舊輒愀然

曰吾親未嘗享是也故平生清儉至老不渝立朝雖居散地而急於薦士揚人之善惟恐不及爲文敘事嚴整語簡而當詩清婉麗密善楷法兼工行草朝廷大典冊必以命焉

子泂字伯坊以廕補秘書郎遷國史編修官福建廉訪司使守建寧陳友諒兵寇松關建寧受圍泂與經畧使普顏不花協謀禦寇復延平等三州改江西行省未赴以工部郎中召時淮浙道梗畱家慈谿與子樞浮海趨遼東爲倭寇所掠同舟皆遇害泂父子獨免明兵下都城大將驛送於朝安置浙東慈谿召往鳳陽書皇陵碑

事竣賜金放還泫風尚通雅正書得古法泫子雲字之
德書學智永 叅元史

洪淵字淵甫號沐齋邑鄆人宋咸淳鄉貢瑞州西澗書院
長入元爲富州儒學教授精邵子易學揭先天方圓圖
於屋壁扁曰環中年八十一卒著有環中集十卷其文
援引該博議論瞻蔚如江漢波瀾滾滾不竭

熊自得字夢祥橫岡人博學強記尤工翰墨得米老家法
元末以茂才異等薦爲白鹿書院山長授大都路儒學
提舉崇文監丞以老疾歸著有析津志

李克家字肖翁湖茫人嘗率衆爲同文書院於州城東訓
豐城縣志 卷之十六 文苑 八
鄉之子弟後以文學任木縣教諭陞遼陽儒學提舉著
有續豐水志

熊師賢字君佐絕意仕進自扁讀書之堂曰寓樂嘗學琴
後不復操曰但識琴中趣耳生平專力於詩吳草廬稱
其風格冲淡蕭散不事雕琢而漸近自然酷與爲人相
似

熊坦字從正號小隱瓘山人篤學工文以辟薦任韶州學
正與僖斯爲貧賤交卒僖斯哭以詩

明

陳會字善同橫岡人七歲能書盈尺字元學士揭僖斯爲

賦奇童詩洪武七年以薦爲本府訓導

徐益字咨益洪武間從父戍瓊博通經史尤工詩賦爲鄉校師尚書薛公遠輩皆出其門與王霜筠楊行素朱四吟相友善

曹壽字曼齡邑郭人善書爲文雅贍尤長於詩永樂間以經明行修薦除江都訓導會選文學士克宮僚擢春坊右司諫選爲東宮伴讀進大明一統賦并遊春觀燈詩御書褒寵凡諸王行禮及內宮祝文每令撰進簡陞荆王府長史未任陞翰林修撰直文華殿丁母憂歸

徐懋昭字勉明火巷人穎敏工文詞登永樂進士選庶吉士讀書中秘益進於學旋以疾卒士論惜之

孫曰恭字恭齋曰良弟永樂甲辰廷試擬第一上嫌其名若暴字置第三授翰林編修歷修撰侍讀學士爲文簡古內閣三楊甚器之郡人鍾甬究心理學與曰恭友善一日過楊東里論江西人物首以甬稱東里屢招不至既而來就見歡語如故鍾不往答東里賢甬益賢曰恭知人

丁儷字景昭沙湖人永樂進士官工部主事恬澹有守以嘯咏自娛題長廊巖云今日春山裏山光飛滿衣無梅不索笑有鳥只催歸風月情懷在乾坤事業非荒涼三

徑遠何處送斜暉
裘香坡激賞之
采西江詩話增

熊茂字士克曲山人宏治鄉舉官陽江令自號清臞子能

詩有雉飛集
舊藝文志錄出

徐州牧字仁仲隱溪人萬曆癸酉鄉薦第一詩酒頽放製
作典雅選山東平陰知縣文學吏治爲當道所重上官
某移文檄屬筆州牧喟然曰昔陶靖節恥爲五斗米折
腰豈操觚雅事得促以尺一牒乎坐是罷歸益事吟咏
與邑劉秩熊卓游潛袁懋謙雷暎孫開先後齊名著倦
遊稿

李奭字雲將尙書遂孫萬曆鄉舉才思富有聲望重一時

豐城縣志

卷之十六

文苑

十

萬茂先訪素園理其遺集悽然有作云千遍題詩百舉
觴昔時風雨共閒房藤陰尙覆攤書屋松蔭空搖看竹
床憶數春花紅在樹或眠秋簟碧爲廊相如狼藉多遺
草寂寞文園泣武皇味此詩雲將風流文采可想見一

斑
采西江詩話增

楊惟休字叔度惟相弟以貢授保定通判管宣府赤城事
所著泰昌日錄僅載元年庚申八月事自萬曆末至天
啟初諸大政悉隳括其中記挺擊紅九移宮三案顛末
甚悉大抵是王之寀而褒劉一燝周嘉謨楊漣等之忠
魏忠賢見之大怒其黨霍維華疏指一燝等朋比并劾

艾天傭黎博庵張天生徐楚白輩爲文字交嘗寓武林
操選政以書抵聞子將曰今日制舉義不問聖賢旨意
支離誕謾讀之輒欲痛哭又謂坊間操月旦者欲息文
字之水火惟不媚津要不問玉帛不媚知交不抑疎逖
不阿聲望之流不排後來之秀甲乙去取但從文字起
見庶士風可正文運可維否則獎嫫母而詆夷光擯趙
璧而珍燕石樹幟於受敵之途啟人以來攻之隙則此
可彼否我抑人揚恐水火元黃靡有底止其持論如此
順治間補臨江司訓造士有法以疾歸著有問花齋初
刻二刻奎光書院集焚餘草子沛仁舉人上饒教諭著

豐城縣志

卷之十六

文苑

十二

存耕堂詩集

據本集增

李予瑋字伯偉歲貢生巡按右讜伯子善屬文一時詫爲
驚才絕艷晚築室湖上與張扶長陳元水胡悅之饒蔚
宗輩爲詩友嘗攜杖躡屐登山望長江千里慷慨放
歌自寫其胸中抑鬱之况著有湖上草亦園集

甘汝亨字衢上甘州人明崇禎辛巳選貢壬午順天舉人
與梁清標同門契合及梁執政屢書招之僅一酬答順
治壬辰選永豐教諭越三年卒汝亨工制藝天崇間江
右五家文名甲天下汝亨與爭壇坫杜登聖安雅集多
錄其文

黃炳召字揆爽號莪園累舉不第工吟咏胡悅之稱其對人言呐不出口至作詩意果心精如雷發水湧迅不可畱勃不可遏潁川陳元水僑寓豐數與倡和訂爲莫逆交生平嘉游覽著瘦遊草張扶長序之

據本集增

陸履敬字止敬仙音巷人順治己亥進士例授知縣以體弱簿書煩不赴學問深邃明於是非得失凡令豐者有興革必造廬商榷康熙甲寅滇黔警訛言疊至城市民驚竄入山令禁止之履敬曰愚民懾於虛聲耳寬其出入則遷者返矣請出示聽民自便甫三日果復歸乙卯撫州盜起閩帥資其成算遂擒巨魁王研田贈詩述其

豐城縣志

卷之十六

文苑

十三

事著豐城縣志前後藥餘草小雲間集碧蓮園課若干卷馬士驥字非力號半壑邑郭人布衣磊砢多奇節家壁立未嘗干人工詩有擬園集若干卷雲間倪永清選詩最錄二十餘篇品其味清如鶴嶺茶書畫復超詣名滿天下流落冊卷得之不啻網中珊瑚子瑄善畫尤工翎毛入

內府賞鑑

胡之牲字兩生龍洲人家貧博學嘗操一葉往來楚越間遇名山水輒畱連竟日詩清氣往來蕭然物外劉木叔熊璧岸推爲畏友制藝古文及摹各家書督學諸鉅公

激賞之竟以諸生終著見山集

熊字鶴字子半號芝田少與兄效扞都諫相師友爲文憂
憂獨造著蕉園詩草康熙間以貢歷萬安峽江訓導以

上從詩最采入

夏日至字子長歲貢生少孤苦以清介自勵惟族兄太遇
資給之學問淹洽作文恥拾唾餘朋試省會偶偕涂無
功入書肆披閱間恣論得失衆愕顧旁一不相識者獨
爲之首肯日至請姓名則臨川陳際泰也訂爲忘年交
布政莊應會徵作白鹿賦奇其才欲薦之力辭延爲西
幕

豐城縣志

卷之十六

文苑

十四

陸紹贄字碩卿仙音巷人都司鴻漸子性穎敏博涉羣書
問字者履滿戶外康熙乙酉舉人爲文不事艱深陶企
大涂中五楊百穀推重之

萬儼字賓上後萬里人幼孤力學叔與兄惜其體羸戒夜
課儼每伺叔兄寢後輒挑燈達旦爲文雅潔高古卓然
成家康熙庚午受知顧觀廬中鄉試第一稱名元明年
會試總裁王士正得儼卷定元數日竟不第士正對人
言輒爲歎惋甲戌房考趙惺居又薦元俛得復失士論
惜之生平疎于財在學使幕得俸悉以濟友朋困乏瘞
都門外暴骸至不惜典衣其好義類如此著有匡庵集

徐啟統字垂昆水東人父斌康熙癸卯舉人廣東新興知縣有廉聲著禮記集腋啟統姿聰穎學問淹洽康熙庚子數科文體競趨油滑統力矯其弊自成一家言時有起衰式靡之日康熙戊子以拔貢領鄉薦第五壬辰成進士奉

特旨召試與修

御選唐詩并禮記月令廣義書成授中書丁內艱歸哀毀卒有制藝詩集若干卷

鄢大年字永綏泉塘人家貧力田不廢學侵晨督兩弟力作隴上夜分讀書率爲常康熙辛卯舉於鄉癸巳成進

豐城縣志

卷之十六

文苑

十五

士補教習王省齋督江右學延至幕下佐王甄拔十三郡士多名雋選諸暨知縣釐剔奸弊有政聲未久卒於任

金玉字畏瑕號栩齋羅紋人雍正癸卯拔貢

廷試一等授

內廷教習選寧德知縣調武平所至稱治玉學問甚富長於著作詩摹陶靖節古文成一家言有性理摘粹薪水園詩集居京師與山陰徐笠山聯文字交笠山釐其時藝爲之序

丁奭字南政號立堂復之子幼穎異童時隨父謁新建喻

非指令屬對工巧勝人喻歎爲偉器遂壻之旋以五經
七藝冠軍補弟子員雍正丙午鄉試第一爲文渾灑流
轉程墨選元燈錄俱選爲程式子揆哲邑庠能讀父書
學行純正孫猷駿自有傳

楊州鶴字兼斯號石齋前坊人幕遊四方能詩風格近明
七子題三台閣云秋入丹陽萬木摧螺峯高處見三台
一拳瘦石凌霄出千里長江割地來眼底關山今帶礪
天邊煙樹古樓臺乾坤贏得舒長嘯倒盡樽前濁酒杯
著露裘草瀉水張鳴珂跋子巨源有肯堂集據本集增
熊履廷字來周瓘山人詩古文詞名噪一時巡撫白潢重

豐城縣志

卷之十六

文苑

十六

其才遇山川樓閣名勝輒緘題馳驛屬筆遠近索題及
載酒問字者無虛歲康熙乙酉丙午薦元不售以歲貢
終著有也藏山文集二十卷也耽吟詩集三十八卷同
邑李太史雲會序族人時晟字宋玉亦歲貢過目成誦
尤工詩稿軼

陳布琅字儁章石下人幼穎敏能誦百家言雍正壬子舉
人乾隆丙戌

欽賜國子監學錄

府志補

丁正模字宇範號楷堂沙湖人乾隆丙子歲貢學行爲一
時圭臬文矩薙先民與唐萃亭李采衡等聯斗門文社

執牛耳中歲喪妻不再娶人高其義子揆元乾隆戊子
舉人有文名邑倡建龍山書院經畫爲多孫猷蘅國學
徐文弼字勳右號蓋山裏墻人乾隆辛酉舉人以會副任
鄱陽教諭選四川永川知縣再補河南伊陽知縣立義
倉編保甲所至皆有實政以老致仕歸文弼博聞強記
長於詩與裘叔度蔣心餘諸先生多倡和所著有詩法
度鍼吏治懸鏡萍遊近草行世攝芝山書院山長時課
餘與諸生飲酒賦詩得佳什卽使家僮歌以侑酒其風
流瀟灑如此子景階歲貢亦能詩錄入西江風雅

匡晉定字莫安城內人弱冠肄業豫章有時譽所試輒冠
豐城縣志 卷之十六 文苑 十七
其曹性恬淡嗜學榻上書鱗積披無寧晷家人生產概
弗問以貢選湖口訓導蕭齋講學年八十餘不倦卒於
官

蔣兆元蔣家樓人歲貢生經史諸子百家尋討殆遍爲文
必出創解學與才副邑令請爲鄉飲正賓著四書就正
編皇極經世書圖攷古今樂律天文攷行世

孫象賢字穀方號魯亭邑諸生北門人弱冠名噪庠序雍
正壬子舉賢良方正以親老辭居貧力學非公終歲未
嘗見令長教授生徒文章以先輩爲鵠徵引根据經史
子四長巡檢餘皆隸膠庠

盧熙載字牧持邑鄆諸生喜爲詩與同邑唐萃亭李采衡
毛漢峯輩多倡和僉推爲祭酒寓章門賦蘇圃徐亭二
詩督學金檜門一見奇賞之錄入西江風雅性狷潔環
堵蕭然不問生事卒以顛頡終著淇竹園詩鈔新增
萬錦字映霞號蔬圃後萬里人初補邑庠行文豪宕有奇
氣中歲讀書新建夢山終日嘿坐求聖賢治心要旨久
不遇以年老

欽賜舉人明年

賜檢討嘉慶丙辰與千叟宴

恩賞緞錦紗杖鄉里榮之子崑文學

豐城縣志

卷之十六

文苑

十八

葛蘧字得我號怡然邑鄆務前巷人性敏嗜學爲制科文
意匠不主故常筆力尤勁健年逾八十以諸生

欽賜檢討生平簡飭能任事移建書院竭力勸捐勦其成著

怡然制藝存稿俟刻子正茂附貢斌庠生

陸希濂字公茂履敬孫束髮工文經學尤邃邵戒三宋牧
仲諸先生均器之詩以淡雅勝著五經全稿碧蓮園詩

集若干卷

詩最補

陸斐章字孔成號含齋仙音巷人幼攻苦挑燈常達旦爲
諸生試輒冠軍操選政者多采其文乾隆壬午膺鄉舉
一上公車不中第歸日肆力詩古文辭邑文孝廉嵩齡

楊大令其謨匡學博晉定數與唱和三公皆宿學才敏以陸爲首屈有韓文評選含齋遺稿待梓

熊燠字懋西號邑田潭埠人勤學問工制舉文以歲貢待銓甲子鄉試

恩賞舉人明年會度後引

見賜銜國子監學正性純摯姊孀貧而病曲意調護至老不衰鄉人尤稱之子光弈諸生

徐士穀字稼生晚號拙翁一坊人父廷晨貿襄樊嘉詩書尊儒士延師課讀穀甫授經過目成誦弱冠游泮食餼謁襄陽郡守周芸臯入詩文社卽有名士之目道光戊

豐城縣志

卷之十六

文苑

十九

子中式第六名丙申成進士覆試

朝考俱首選入庶常館授編修晉清祕堂 奏辦院事升司經局洗馬癸卯充江南副考官甲辰教習庶吉士充順天鄉試同考官乙巳會試分校禮闈入直

上書房譚經講藝屢荷

宣宗成皇帝溫綸褒獎珍賜端硯參桂等穀奉寄參桂歸以養母構書樓敬虔端硯顏曰

賜硯樓以課諸子姪丙午充四川鄉試正考官卽任學政拔取真才杜絕弊竇於試院大堂榜楹書曰家士士當自愛欺天天爲誰欺士風蒸蒸日上戊申按試保寧緣公

罷吏議罷歸庚戌

文宗顯皇帝嗣位特旨

召見復編修奉繳前 繪賜豳圖咸豐辛亥充福建副考官
壬子充順天鄉試同考官己未升侍讀充 日講起居
注官同治壬戌丁母憂回籍泣血自明以不及終養爲
憾服闋倭相國以書招入都力辭主講本邑龍山書院
丙寅疾卒年六十有三生平工詩古文辭歷事

三朝雍容文學侍從之班三十餘年而秉性剛介居官不謁
顯貴與人不輕往還七典文衡通刺者焚之餽金者卻
之矢公矢慎終始不渝凡所取多績學士簪笏半朝堂

豐城縣志

卷之十六

文苑

二十

又庚申京師寇警穀闔門積薪爲自焚計有句云讀書
今日用故里仰文山其志節有可想見者所著停雲草
賜硯樓詩文等集待梓子芸甲子舉人次茈幼苞俱邑
庠弟士穗丁酉選拔甲辰舉人任上猶縣教諭授戶部
廣東清吏司主事 以下新增

呂光煥字鴻文一字竹莊一坊北湖人遇周長子也父績
學煥少受庭訓年十三背誦十三經兼通諸史爲文章
觀者擊賞名公鉅卿共韙之嘉慶戊午舉於鄉辛酉成
進士授內閣中書留京十年以親老請改教職選贛州
教授迎親省親往來無間繼母黃氏盡得歡心尤體厥

考親親之意督課家塾子弟如溶成進士授吏部主事忠舉人才皆未竟其用煥嘗惜之先是萬和圃督學時禮聘佐選政梓試牘出其手尤佳後歷灤源馮川濂溪各書院及本邑龍山主講席有年凡所披覽經疾史恙以筆鍼墨炙爲功遊其門者不必借書刊謬自獲真詮以故掇巍科登高第如貫珠焉煥生平嗜學又念切濟人嘗冬歸見村落荒涼須捷滿前人皆菜色憮然曰此煥飢之寒之也卽散晨粥給衣帛緡錢割修金施予嗣是歲臘爲常其遺美足珍如此著有五經備考綱鑑摘要字彙補遺制書樓文集養和堂詩集待梓

文炳漢字西臨一字紅蘅邑郭人幼穎異年十二就童子試有聲旋入黌宮困場屋者廿載家貧事父及繼母具甘旨自啗粗糲嘉慶癸酉舉於鄉三上春官不售隱居教授門下士登科甲者踵相接清江黃慶同宗室呈麟寶麟等俱位望通顯生平道匡雅俗性合元和與人言坦衷率真犯不與校三黨親或婚喪不舉飲助之不少吝有老而無依者延至家供養終其身其他施淖縻以資蒙袂捐絞襯以掩道殣諸善舉不可殫述鄉里中雖僮父咸欽服焉晚年名愈重有司下車造廬咨訪輒鉅劄利弊以進邑有興作信義素孚會議間一言畢舉咸

豐時賊犯境協同闔邑督辦團練防堵獲安尤嗜學購書萬餘卷風雨一編毫而不倦詩古體如明七子近體類陸務觀古文在壯悔堂右徐侯湘浦聘修邑志葉侯枚生聘主講龍山書院年八十部銓泰和縣教諭咸豐己未恭遇

覃恩爲父請封遂以老乞歸年九十二卒所著有味三堂詩文集紅鞠山房外集北上南歸草滴翠軒詩話及制舉文子孫世業將簡刊以問世

龔文亮字蒙泉七坊塢里人邑諸生屢薦不售學淹博月鍛季鍊著作等身如龍啣益註三元策雋實能貫穿經

豐城縣志

卷之十六

文苑

二十一

穴出入史林采輯者已入鈔本義經百谷王孝經片玉卷多散佚或云尚見珍藏驟難采獲亮老於文場植躬脩行康熙己巳

恩賜粟帛縣尹敦請鄉飲正賓建昌太守高又以劍水耆英旌額子堯臣廩膳生亦遂學亮著書嘗命輯補鄉試闈中定元兩主司互爭卒見遺來年遂卒

袁成均號存齋邑廩生少負才名爲文力追先正志高淡年二十二入招雲山默參內典居三年忽與僧別僧訝甚曰予聖人之徒也非儒之歸而誰歸哉由是課徒講學宗程朱之說身體力行年三十六卒人咸異之生平

著作多爲門下所失僅存日用庸言一編行於世

補遺

元

揭祐民揭源人泰定中官邵武經歷三至京師公卿多樂與遊程鉅夫尤敬禮焉寓居盱水上自號盱里子族子僖斯爲作儔稱其騰擲宇宙潛轍古今有盱里子集據歷代氏姓譜增

國朝

張泰來字扶長以新建籍領順治辛卯鄉薦庚戌成進士任山東金鄉知縣愛民造士爲山左第一賢能分校鄉

豐城縣志

卷之十六

文苑

二十三

闡得孫勳卷卽決其當弁冕天下薦之主司爲解首行取吏部主事清操介節不染纖塵外轉廣東兵備道以年老乞休冢於邑之大街遂入籍爲邑人閉戶著書馬中丞如龍宋中丞犖並以博雅推重碑刻傳記多屬之著有蘭臺原古錄江西詩社宗派圖錄壽雪亭集曲水詩畧文選原古錄瓜棚偶談諸刻據舊志增

蘓光譜號劍亭邑增生田垌人幼敏慧博極群書作文古氣磅礴不趨時向性嚴正接見者皆起敬心嫉邪扶正地方賴以維持者數十年至今士林思慕之惜所著不

傳

楊如龍字彝修一坊大夫第人乾隆辛酉鄉薦讀書過日成誦嘗寓省垣與朋輩出見

上諭千數百言雜誦一過入寓中隨手錄出一時嘆爲絕倫著書盈尺有經義數十卷後目盲未能卒業士林惜之遺稿待梓

何倬字雲漢號曉垣一坊河灣人嘉慶戊寅鄉薦口吃善飲好詩古文詞著有南遊吟草荒荒吟併他本六集駢體散文有曉垣彙稿二集今多散佚存者待梓

黃希灝字懷運一坊滄溪人增廣生員英分過人與何倬有唱和草自著有一丁吟等草及序記等文生平不喜

制藝好古士也稿存外孫熊氏家待梓

羅惠字希展一字賚周一坊楓樹下人入泮後鄉試十數科屢薦至年踰八旬不一售猶不輟試士林憫之益壯之所著有四書講義數萬言咸稱善本惜貧未能梓行李灝字汝洲號九一五坊筱塘人邑庠生學問淵博文思敏妙讀書大岷山恒終日靜坐每思未來之事言之輒多中生平繩趨矩步爲士林儀型遠近咸欽仰之著有四書講義待梓

袁學容原名棻號雪梅袁坊人邑增生品行端方學問純粹工吟咏於試帖尤所擅長著有目耕齋試帖行世

金仕誥號丹園七坊田西人郡廩生秉姿穎異經史過目
多不忘綺歲冠童軍應豫章洪都書院有聲梓其文行
世卿試屢薦未售遂潛心經學專以著述自娛易書詩
禮博採諸說獨出按斷三孟左傳詳加批評標明古文
體裁未畢而卒惟周易新解鄉黨詳註天文說輯成編
子錫簡邑廩生孫舒翹舒芬邑庠

傅啟沃字志學號鑑亭五坊派前人邑庠生工制藝屢薦
不售每課書院十餘藝揮洒立就豫章主講黃樹齋司寇
深器重之梓其文行世

雷乃發字恢倫三坊雷坊人邑庠生幼穎異年未及冠卽

能讀子史百家之書作文力追先輩鄉試屢薦俛得復
失者數次尤長於古今體詩以才見忌幾羅於法邑候
高以本得其詩擊節嘆賞復以優禮待之